

Korinthi Chostshogsla Paului Chagdis Nyispa.

Korinthi chostshogsla Paului chagdissi skor.

I chagdis tañ sñunme chostshogssi uskyoŋgun gyudte, ñadañña i chagdispo Tsoo Yeshu mashike skutshabs Paului ñia dzadkanbo gyus chanog.

I chagdispo Yeshu ñoñste sonea zhañste stiñne lo 22 nyekhorla ñia dzadkanbo ñadañgunla chossi khaspagun gyudte gyus chanog. I chagdispo, Paului Ephesussi nañña yodtus ñia dzadte innog.

I chagdis tañ sñunme chagdissi parri tuspoe nañña Paulu Korinthi chostshogsla thuggala soñte inpin. Teduspo Paulu tañ khoñgunni phia ma kagspoe tusshig inpin, ciazerna khoñña te chostshogspoa tenañña yodkanni northul tshañme kane skyoŋgospin. Stiñne khoññi Titus teru lamcugs yañ khoñgunni skorla Titussi kane nastshul zañpo rig tshor. Innañ taruññañ te chostshogssi nañña khaciggi Paului wañchaboa gyabgal coadpin. Tennaboephia Paului i chagdispo ñia dzads, inañña Tañpo, Korinthia logste yoñcessi thabsldiñssi nañña ciphia gyurja khyoñskanbo hagocugga dzadces;

Nyispa, khoñgunni chadpa cadkan, tatpacan sdigpa cokanbo nyampo thundel cocesla zhuwa zhuces;

Sumpa, zuma lobponggunni spuñgolne khoññi chaglasgun skyobba dzadces;
Zhipa, Yerushalemmi nañña yodkanni chostshogsgunni phia pene rogrammi khachad cokanbo ñandañ ñubcugcesla spospa salces;

Şñapa, Korinthi nañña yodkanni zusme skutshabsgunni zerkanni gyabgalla, Paulu mashike skutshabs inkanni wañchabo chostshogsla stances.

Paului chogsne ju.

1:1 ne 2

1 ¹ I igebo Konchoggi thuggoñs nañzhinla, Mashika Yeshui skutshabsla ldamma dzadskanni Paului chogsne in. Ñadaññi spun Timothii ña nyampo yod, yañ ñe i igebo Korinthi Konchoggi chostshogs matshad, akayi yulli nañña yodkanni Konchoggi mi dampa tshañmalañ kallad. ² Konchog ñadañgunni yab tañ Tsoo Yeshu mashike khyozhagunla thugrje tañ zhide salla dzadshig.

Konchoggi semsla zhide salla dzads.**1:3 ne 11**

³ Nadaanunni, Tsoo Yesu mashike yab Konchogga stodpa phulshig. Khoṅ ni, snyinṛjee aba taṅ semsde tshaṅme Konchog zhugste innog. ⁴ Nadaanunni zhanmagunla semssi naṅṅa zhide taṅnyancessi phia, Konchoggi ṅadaanunla bardo tshaṅme naṅṅa semsde salla dzaddanog. Konchoggi ṅadaanunla salla dzadkanni tenna tsogs zhide ṅadaanunni bardo naṅṅa yodkangunla taṅnyanin. ⁵ Mashike naṅṅa ṅadaanunni sdugsṅalgun gyasin cha zane, ṅadaanṅi semssi naṅṅa zhideaṅ Mashika gyudte gyasin.

⁶ Galtes ṅazhagun bardo lcididi nante yodna, tebo khyozhagunla tharpa taṅ khyozhe naṅṅa zhidee phia in. Yaṅ galtes ṅazhagunla zhide salla dzadna, teboṅ khyozhagunni semsde phia in. Tene ṅazhagunni khurin yodkan tsogs sdugsṅalbo khyozhagunni zodpa taṅ snyinṛus nyampo khurin. ⁷ Nāzhagunla lokhyel rag, khyozhagun ṅazhe sdugsṅalgunni naṅṅa ḍes pasan, khyozhagun ṅazhe semsdee naṅṅaṅ ḍesin.

⁸ Spun taṅ spunmo gun, khyozhagunla ṅazhe Asiae yulli naṅṅa bardo khurkangun hagogoshes innog, te khurui lcidpo ṅazhagunni khyuddi saṅ maṅṅa thalte yod pasan, ṅazhe sontea lussnessi rewabo medkan soṅ. ⁹ Denbaa, ṅazhagun shianog sam. Innaṅ ṅazhagunla ṅazharaṅṅi khyudgunnika raglaste madugga, shikangun sontea laṅṅa dzadkan Konchoggika raglaste duggoshessi phia, tegun cuṅste innog. ¹⁰ Khoṅṅi ṅazhagun shicessi jigspagunni kane thar cugga dzadte innog, yaṅ yaṅskyar thar cugga dzadin. Khoṅṅi yoṅcescanni tussi naṅṅaṅ, ṅazhagun thar cugga dzadcespoeka ṅazhagunni lokhyel borrad. ¹¹ Yaṅ khyozhagunni ṅazhe phia, moslam zhucsgun gyudte ṅazhagunla rogs coanog. Tene mi maṅpozhiḡḡi Konchogga thugrjeche zhuin, ciazerna Konchoggi thugrje nyampo, maṅpozhiḡḡi ṅazhe ṣuṅskyobbi phia moslam zhukangunla lansalla dzadte innog.

Paulu miskiyodcessi gyuntshan.**1:12 ne 2:4**

¹² Nāzhagunni lokhyel taṅ sems lagmo nyampo zernyanin, ṅazhagun i jigstenpa yaṅ migsalli khyozhagun nyampo dug zane, Konchoggi salkanni mitshe dampa taṅ ḍaṅpoe tshulla pudpin. Nāzhagun mishesrabssika manpa, Konchoggi thugrjeeka raglaste dugspin. ¹³ Ne igegun salpo in, tegunni naṅṅa, yaṅ tontag caṅ vaste med,

yaŋ khyozhagunla hagoceslaŋ lamo yod. De rewa coad, zhagshig khyozhagunni ŋazhe snyinŋi naŋŋa yodkan tshaŋma hago thubin. ¹⁴ Khyozhagunni ŋazhaa dagsa siŋ hago mathubnaŋ, Tsoo Yesu logste phebsnessi zhagga, khyozhagunni ŋazhaa, salpo coste hago pasanŋ, khyozhagun ŋazhe phia phoso tshorin kazug khyozhe phia ŋazhagun phoso tshorrad. ¹⁵⁻¹⁶ Khyozhe hagoi naŋŋa ŋaa lokhyel yodpa, ŋe kane khyozhaa phanthogs maŋŋa thobcessi phia, ŋaa khyozhagun nyampo thugga yoŋcesla lan nyis thabsldiŋspin. Taŋpo makedoniye yulla chaa zane yaŋ nyispa logste yoŋ zane, tene ŋa yahude yulli naŋŋa besla cha zane, gossdom yodkangun khyozhagunni taŋcessi rewaŋ inpin. ¹⁷ Innaŋ khyozhaa khaciggi, khoe thabsldiŋgunni naŋŋa gyurja ciphia khyoŋŋanog zerte tiŋidces innog. Ci khyozhagunni, ŋe ŋaraŋŋi thabsldiŋgun samba mataŋŋa coste innog samma ragga? Ci khyozhagunni, ŋa jigstenpagun tsogs innog samma ragga, kagunni "Coin" zerranog innaŋ coa manog?

¹⁸ Innaŋ kazug Konchog idshescan zhugste in, ŋe khyozhagunla "Ŋa yoŋin" zerkanni khachadpoaŋ ɔaŋpo inpin. De "Man" zercespoa "In" mizer. ¹⁹ Konchoggi ŋas, Yesu mashike "In" ya "Man" molcessi naŋŋa thama thetshoms coa dzadda manog. Khyozhagunla spun Silas^a, Timothi taŋ ŋe chosshadkanbo ni khoŋ zhugste in, yaŋ khoŋ ni Konchoggi "Coa dzadcessi" stagspo innog. ²⁰ Ciazerna Mashika gyudte, Konchoggi zhalchad tshaŋma ɔub cugga dzaddanog, teboephia ŋazhagunni amen^b zerte Konchogga stodpa phullad.

²¹ Ŋazhaa taŋ khyozhaa nyiskoe tatpa mashike naŋŋa stanpo gyur cugga dzadkanbo ni Konchog zhugste innog. Tharpe phia khoŋŋi ŋadaŋgun ldamma dzadte innog. ²² Konchoggi dampe thugnyid ŋadaŋgunni snyinŋi naŋŋa thetse tsogsla borra dzadte, ŋadaŋgun khoŋŋi inkanbo stanna dzads, yaŋ tezug dzadcespoe Konchoggi ŋadaŋgunla dzadkanni zhalchad tshaŋma ɔubcespo tantan co dzads.

²³ Ta ŋe zercescangun ɔaŋpo inkanni spaŋpo Konchog in. Ŋa Korinthia logste miyoŋcessi gyuntshanbo ni, khyozhagun ŋe maŋante khaskyecesne skyobcespo inpin. ²⁴ Tebo ni, khyozhe tatpa cokanbo laglenni naŋŋa khyoŋ zerte waŋ taŋcespo man, innaŋ khyozhagun skyidpoe gaŋcessi phia ŋazhe khyozhagun nyampo las conyinrag. Khyozharaŋŋi tatpa cigpo gyudte khyozhagun stanpo lusin.

^a**1:19** Griissi skadriggi naŋŋa iboa silwanussaŋ zerranog. Yaŋ mashike skutshabsgunni chaglassi speche naŋŋa 18:5 pe naŋŋaŋ thobces yodte innog.

^b**1:20** amen ni tontagpo "Denbaa tebo ɔubin" zerranog

2¹ Tennaboephia ñe, khyozhaa lan nyispa thugste tsherkha tañ sdugsñal mistancessi thagcadpin. ² Galtes ñe khyozhagunla tshercugna, tene sui ñaa thadpo yonçugin, tantanla ñe tsherkha stankangunni micug. ³ Tennaboephia ñe khyozhagunla te igebo Griispin, ciazerna ña yon zane, ñaa skyidpo khyonçoshescangunni tsherkha mikhyon. Khyozhagunni thadpoe ña thadpo khyonkanbo, khyozhagunla gyusmedda? ⁴ Ñe te igebo maşante tsherkha, snyinñi nañña bardo tañ migchu mañpo nyampo Griispin. Tsherkha yon macugga, ñe khyozhagunla tsamshiggi cespa cokanbo hagocugnyin ragpin.

Sdigpa cokanboa shagspa ton.

2:5 ne 13

⁵ Sdugpo tshanma cuñcugkanni miboe khyozhagunla ña sañ mañña sdugpo stante innog zer zane, ñe has tañste man. ⁶ Khyozhaa mañchee khoa chadpa tañkanbo, khoe phia thadthad innog ciazerna khoe gyodpa coste innog. ⁷ Innañ ta khoa shagspa tañste khoe semsla zhide tañgoshes innog, te manna khoa sdugpoe lcidpo khur minyan. ⁸ Ñe khyozhagunla khoa yañskyar cespa cocesla spospa tañin zhuwa phullad. ⁹ Khyozhagunni ñe zerkan tshanmala khaa nyandugga midug stacessi phia ñe khyozhagunla sñunla ige Griispin. ¹⁰ Khyozhagunni te miboa shagspa taññacig, ñeañ khoa shagspa tañin. Yañ shagspa tañgoshespoa shagspa tañcespo ñe mashike waññi nañña khyozhagunni phanthogssi phia coad. ¹¹ Shetanni ñadaññi nañña yodkanni naslugpoe phanthogs milencessi phia, ñadañgunni te miboa shagspa tañgoshes innog, ciazerna ñadañgunla shetanni thabsñanpagun gyusyodte innog.

¹² Ña T̄royassi gyalse nañña mashike gamoe nastshul shaddala lebbacig, Tsoo Yeshui gho phea dzadte ñaa tezug cocessi skabs sals. ¹³ Innañ ñe semssi nañña zhide meragpin, ciazerna ñe spun Titus khyozhagunni kane longun khurte taruñ tshogpa malebpa ñe T̄royaspagunla ju zhuste kho tsalla makedoniye gyalsaa sonpin.

Chaddon some zhabstogpagun.**2:14 ne 3:6**

¹⁴ Innañ ñe Konchogga thugrjeche zhuin, khoñ ni, ñazhagunla chadmedla mashike gyalkhaa thobkanni thomsskorri nañña gothid dzadkanbo zhugste innog^c. Ta dagsa khoññi ñazhagun Mashika sheskanni ñizhimbo, spelcesla kolla dzadte innog. ¹⁵ Ciazerna ñazhagun mashike Konchogga phulla dzadkanni ñizhimcanni spos tsogs innog. Innañ skyobba dzadcescangunni te ñizhimbo thestor chacessi lammika ðulkangunni sañ soso rig tshorranog. ¹⁶ Khaciggi ñazhaa shikanni ñima, innañ zhangunni şog salkanni ñizhim tsogs tshorranog. Tetsogssi las khagcan cocessi khyud sua yodkyag?

¹⁷ Khyozhagunni stosshig, ñazhagun phanthogssi phia chosshadkanni te skyonjan migun tsogs manhe. Innañ Konchoggi kalla dzadkan tañ khoññi zigsin yodkanbo gyusyodkanni migun tsogsla, mashike waññi nañña, ñazhe sems zañpo nyampo chosshaddad.

3 ¹ Ñazhe yañskyar ñazharaññika phoso coces gozug coste innogga? Ya ñazhaa zhangun tsogsla khyozhaa stancesla ya khyozhagunni kane gyabsheddi ige gossdom yodte innogga? Tantan migos. ² Te igebo ni ñazhe snyiññika ðikan khyozharañgun in, kabo tshañme silte ñazhe khyozhe ñoa coskanni las zañpogun hagin. ³ Mashike chogsne ñazhe lasgunni ðasbu stankanni ige, khyozhaa innog. Te ige nyigu nyampo manpa, Konchog sonpoe thugnyid nyampo Griiste innog. Tebo kagya rcu tsogsla rdoeka skoste medpa, migunni semssi nañña yodte innog.

⁴ Te tshañma zercessi nañña ñazhagunla lokhyel rag, ciazerna Mashika gyudte, Konchoggi nañña ñazhagunni tatpa stanpo in. ⁵ Ñazhe zerramed, ñazharaññi lagga zhabstog zhucessi khyudgun yod, innañ Konchoggi chogsne salla dzadte in. ⁶ Khoññi ñazhagunla khoñraññi chaddon some zhabstog zhucessi khyud salla dzadte innog. I chaddon somabo ni, Griiskanni thimsgun kanyancespo manpa, Konchog khoñraññi thugnyid salla dzadcespo innog. Griiste yodkanni thims snyiñpaboe, shices khyoññanog, innañ thugnyidpoe, mitshe soma sallanog.

^c2:14 Paului tusla namzhig Rompe magmigunni zhanyañ magmigunla phamkal zane khoñgunni Rompe yulpagunni dunla khoñrañgunla gyalkhaa chenmo thobkanbo stancesi phia phamkalkanni magmigun thidte khyoññadkyag.

Chaddon some zirrjid.**3:7 ne 18**

⁷ Zhan tezug naslug zirrjidcan nyampo gozugsteañ, rdoeka skoskan kagya rcuboe, shicessi chogsla thids, kabo Israelpagunni lunstonpa Mozessi ldoñña sta manyan, ciazerna khoñji ldoñne Konchoggi zirrjid ldañshan biññadpin, innañ ldañspo kule kulea yolin soñ. ⁸ Ta dampe thugnyiddi mitshe salcespoe ci ñadañgunni i chaddon some nañña mañsteañ zirrjid mañpoe rewa co magossa? ⁹ Fhimscad khyoñkanni kagya rcubo zirrjidcanzhig yodna, tene Konchoggi skundunla ñadañ ñaño dzadkanni chaddon somaboa, tsamshiggi zirrjid meddo. ¹⁰ Ñospoa, gome zirrjidpo chaddon some halasshessi zirrjidpo nyampo ldurna, zirrjid mane medkan tsogs innog. ¹¹ Yañ galtes te yolin chakanbo zirrjid nyampo cuñste inna, tene tusgyun lusshessi chaddon somaa, tsamshiggi zirrjid mañña meddo.

¹² Te chaddon somaboe ñazhagunla te zam lokhyel tañs pasañ, ñazhagun chosshadnessi nañña mañña hampacan gyur. ¹³ Ñazhagun Mozes tsogs man, khoe Israelpagunni khorañji ldoñji kane kulea yolte chen yodkanni zirrjidpoa mistacessi phia, khorañji ldoñbo ras nyampo kabs. ¹⁴ Innañ tegunni snyiñgun skyoñpo gyur. Tantanla dagsañ nam chaddon snyiñpabo sillacig, khoñgunla hago thubba manog kazug Mozessi ldoñña kabkanbo tsogs. Mashika cigpoe nañña tatpa cocespoe, te kabkanbo thenna dzadin. ¹⁵ Ona, diriññañ Mozessi thimsgun sil zane, khoñgunni snyiñgun kabste khoñgunla hago thubba manog.

¹⁶ Innañ suzhiggi Tsooe nañña tatpa khyoññacig, kabste yodkanbo thenna dzaddanog. ¹⁷ Ta Tsoo ni thugnyid zhugste innog, yañ dampe thugnyid yodkangunla te thimsgunni kane rañwañ yodte innog. ¹⁸ Ñadañ tshañme kane kabste yodkanbo then pasañ, ñadañgunni thoñte Tsooe zirrjidpo phel cugganog, kazuggi meloñji ldañs khyabsshuggad. Yañ thugnyid inkanni Tsooe, ñadañgun mañne mañña khoñrañ tsogs coa dzadte, ñadañgun khoñji zirrjidcanni zobste nañña gyurin chanog.

Chagchogchoggi dzame nañña yodkanni nor.**4:1 ne 18**

4 ¹ Konchoggi khoñrañji snyiñrjee nañña, ñazhagunla i zhabstoggi chaglaspo salla dzad pasañ, ñazhagunni mane spospa mipañ. ² Ñazhagunni sañwa ñanpa tañ thelbacanni las tshañma phañste suzhiggañ gobmaskorra ya Konchoggi ke

tontag magyurra in. Konchoggi zigshes n̄azhagunla gyusyodpa khoŋŋi longun n̄azhe đanpo shaddad, yaŋ n̄azhe lasgunni zhaste, sems stsaŋma yodkan tshaŋme, n̄azhaa idshescan inkanni spaŋpo taŋŋanog.

³ Galtes n̄azhe shadkanni gamoe nastshulbo kabcessi yogga vaste borradna, tebo thestor chacessi lammika đulin yodkangunni kane vaste borte innog. ⁴ I jigstennika waŋşulkanni shetanni, tatpa medkanni snyiŋgun skyoŋpo coste sambagun zhar cugganog. Khoŋgunla gamoe nastshulli zirrijdcanni denbe odpo thoŋ mithubcesla khoe tebo coanog. Khoŋgunni cisa thogne Konchog tsogs inkanni mashike zirrijdi skorla gamoe nastshulbo ha magoa innog.

⁵ N̄azhagunni n̄azharaŋŋi skorla chosshaddamed, innaŋ Yeshu Mashika Tsoo innog zerte chosshaddad. Yaŋ Yeshui donla, n̄azhagun khyozhe yogpo in.

⁶ Konchoggi mols, "Munnaggi naŋŋa od cuŋshig"^d, khoŋraŋŋi gamoe nastshulbo gyudte te odpo n̄adaŋgunni snyiŋŋi naŋŋa barcugga dzadcespoe, n̄adaŋgunni Yeshu mashike zhaldon thoŋte Konchoggi zirrijdpo hago thubin.

⁷ Zhan n̄azhagunni snyiŋŋi naŋŋa te odpo thachemchem coin yodnaŋ, n̄azhagun te rincan nor borkanni chagchogchogcanni dzama tsogs in. Iboe kane, n̄azhagunni jigspo khyudpo n̄azharaŋŋi manpa, Konchoggi chogsne inkanbo salpo hagoanog.

⁸ N̄azhagunla chogs tshaŋmane nags taŋ bardoi nante yodteaŋ, n̄azhagun machagga innog. N̄azhagun thetshomssi naŋŋa yodnaŋ, n̄azhagunni rewa chodte rag zerramed. ⁹ N̄azhaa migunni nags stannaŋ, Konchoggi phaŋŋa dzadda mirug. N̄azhaa maskyon maşante chanaŋ, n̄azhagun medkan co cugga dzadda mirug.

¹⁰ Mashike thugnyid n̄azhagunni naŋŋa zhugskanbo, migunni thoŋ thubcessi phia, sdugsŋalgun gyudte n̄azhe zugspogunniaŋ Yeshu đoŋshespoe naŋŋa khag nenin innog.

¹¹ Ona Yeshui shedpo n̄azhagunni shicessi zugspoe naŋŋa zhugste yodkanbo thoŋ thubcessi phia tusgyun n̄azhagun shicessi jigspe naŋŋa luste innog, ciazerna n̄azhagunni mashike zhabstog zhuste innog. ¹² N̄azhagun shicessi jigspe naŋŋa duggad, innaŋ teboe đasbu ni, khyozhagunla thamedpe mitshe thobkanbo innog.

¹³ Kazug suŋrabssi naŋŋa moldug, "De Konchoggi naŋŋa tatpa cos pasaŋ, ŋe khoŋŋi lonbo shadpin" tenna tsogsla n̄azhagunniaŋ tatpa coste gamoe nastshulbo shaddad.^e ¹⁴ N̄azhaa gyusyod, Tsoo Yeshu shikangunni tone sotea laŋŋa

^d4:6 ibo ni chaddon snyiŋpe gozug zerkanni speche 1:3 naŋŋa yodte innog.

^e4:13 ibo ni chaddon snyiŋpe suŋgurri speche 116:10 naŋŋa yodte innog.

dzadkanni Konchoggi n̄azhagunnaŋ Mashika nyampo sontea laŋŋa dzadin. Yaŋ n̄azhaa khyozhagun nyampo khorraŋŋi skundunla khyoŋŋa dzadin. ¹⁵ N̄azhagunla sdugsŋal thoŋkan tshaŋma khyozhagunni phanthogssi phia in. Yaŋ Konchoggi thugrjebo mi maŋne maŋŋa thobste thugrjeche zhukan maŋpo yoŋin, Konchogga spal maŋne maŋŋa thobba dzadces innog.

¹⁶ Tennaboephia n̄azhagunni rewabo mane phaŋŋa med. Zhan n̄azhagun zugspoe thogne nyamsin chanaŋ, n̄azhagunni semsla Konchoggi zhagne zhagga khyud salla dzaddug. ¹⁷ N̄azhagunla thoŋkanni sdugsŋalgun chuŋun yaŋ tus maŋpozhiŋ lussa manog. Innaŋ n̄azhe phia tegunni ɗasbu thamedpe zirrijidpo in, kabo i sdugsŋalgunni saŋ maŋsteaŋ jigspo yodte innog. ¹⁸ Tennaboephia n̄azhagunni migpo thoŋkanni sdugsŋalgunnika maborra, mathoŋkanni zirrijidpoeka borrad, ciazerna thoŋkangun gyogspa medkan chanog, innaŋ mathoŋkanbo tusgyun lusses innog.

Namkhe zugspo.

5:1 ne 10

5 ¹ N̄adaŋgunla gyusinnog, n̄adaŋ dugkanni i jigstenni kurbo medkan chana, n̄adaŋgunla thamedkanni khaŋpazhiŋ namkhe naŋŋa yodte innog, kabo mii lagpane macoa Konchog khorraŋŋi n̄adaŋgunni phia dzadte innog. ² N̄adaŋgun daga yodkanni zugspoe naŋŋa uthugste, koslag soma tsogsla namkhe zugspobo goncesla riŋsin innog. ³ N̄adaŋgunni namkhe zugspobo gonces in pasaŋ, ljernyalla milus. ⁴ I jigstenni zugspoe naŋŋa dug zane, n̄adaŋgun uthugganog, innaŋ n̄adaŋgun i tshaŋme kane tharcesla shinyin maɗoa, i stagspa medkanni zugspobo, thamedpe mitshee naŋŋa gyurcessi phia, namkhe zugspogun gonnyin ɗoanog. ⁵ Tegunni phia Konchog khorraŋŋi n̄adaŋgun ɗalɗig coa dzadte innog, yaŋ n̄adaŋgunla dampe thugnyid salla dzadte, khorŋŋi salla dzadces tshaŋma tantan coa dzadte innog.

⁶ Teboephia n̄azhagunla tusgyun lokhyel rag, i jigstenni zugspoe naŋŋa yod zane, n̄azhagun Tsoo nyampo namkhe khampe naŋŋa madugga inkanbo gyusinnog. ⁷ N̄azhagunni mitshe thoŋkanboeka manpa, Konchoggi naŋŋa idshes coinzhig phuddad. ⁸ Ona n̄azhagunla tantan lokhyel rag, yaŋ ŋe zerrad i jigstenni zugspoe naŋŋa dugga saŋ, namkhe khaŋpe naŋŋa Tsoo Yesu nyampo duggala thaddarag. ⁹ Teboephia n̄azhagun i zugspoe naŋŋa dugin yodɗo ya tebone thagriŋŋa, Yesu thugsthad cugcespo n̄azhe migzhi in. ¹⁰ Ciazerna zhagshig n̄adaŋ tshaŋma mashike

skundunla, thimscaddi phia, langossanog, tene i jigstenni zugspoe nanja zanpo ya nanpa cokangunni dasbu nadan rerea sminnanog.

Mashika gyudte Konchog nyampo del.

5:11 ne 6:2

¹¹ Tsooe thimscad tsamshig kagspo yodkanbo nazhaa gyusyod pasan, nazhe zhanmagunla mashike nanja tatpa khyonjucgessi stsonjus gyalla coad. Nazhe snyinji nanja yodkanbo, Konchoggi salpo khyenna dzaddanog, yan khyozhagunnian sheshessi rewa coad. ¹² Nazhe yanskyar nazharanji skorla phoso corugga? Coamed. Nazhe khyozhagunla nazhe skorla thadpo cocessi skabs tanjad, tene khyozhagunni sems danpo yodcesla phoso macoa, ranji lasgunnika phoso cokangunla lantanjanin.

¹³ Galtes nazhe mi snyonbagun tsogsla spera tandug sammadna, tebo Konchogga spal thobcesla coad. Yan galtes nazhe shesrabscanni labzha tandug samna, tebo khyozhagunni phanthogssi phia in. ¹⁴ Mashike camspe nazhaa tegun cocugdug. Nadangunni Mashika nadan tshanme tonla donste inkanboa tatpa cospa, nadangunni nadanranji snyinpa mitshe phudtshulbo, shite inkanboekan, tatpa coanog. ¹⁵ Mashika tshanme phia donj. Khojji tebo coa dzads ciazerna, mitshe soma thobkangunni khorangunni phia, mitshe maphudda, Mashika donste sontea lanja dzadkanboe phia mitshe phudcessi thugsdod dzaddanog.

¹⁶ Ta nazhe jigstenpe samtshul nanzhin mizhig zanpo ya nanpa innog zerte thagcadda med. Tusshigga nazhagunnian Mashikaa tenna tsogsla sammadpin, ta dagsa nazhagunni tebo coamed. ¹⁷ Teboe tontagpo ni, mashike inkangun mi somazhig gyurte innog. Mitshe snyinpabo medkan yan somazhig gozug sonje innog.

¹⁸ Te tshanma Konchoggi chogsne skyes innog, khojji Mashika gyudte, nadangun khoran yodsa logste khyonja dzadte innog. Yan Konchoggi nazhaa, khoj tan migunni nanja thundel cocessi khagpo kalla dzadte innog. ¹⁹ Mashika gyudte Konchoggi i jigstenpagun khoran nyampo thundel coa dzadte tegunni sdigpagun khorangunni gyabgalla stsia madzads. Yan khojji nazhagunla i thundelli lonbo zhanmaa shadcesla salla dzads. ²⁰ Teboephia nazhagun mashike skutshabs in, yan nazhaa gyudte Konchoggi, jigstenpagunla zhuwa zhua dzaddanog, mashike tshabs coste nazhe zhuwa phullad 'Juju, Konchog yodsa logste yonshig'. ²¹ Konchoggi sdigpa mane medkanni Mashika nadangunni sdigpe

phia chodpe chulla skoa dzads. Ðadaŋgun Mashika gyudte, Konchoggi skundunla ðaŋpo stsicesla tebo coa dzads.

6¹ Ðazhaa Konchoggi topa las cokangun inpa, ñazhe khyozhagunla Konchoggi thugrjebo snaŋmed coste zurla phaŋ miphaŋcesla zhuwa phullad. ² Ciazerna Konchoggi dampe suŋrabssi naŋŋa molte innog,

"Ðe ldamkanni tuspeka ñaa khyozhagunni moslamgun tshor.

Tharpe zhagga, ñe khyozhagunla rogs coste inpin."

Stossaŋ, diriŋ Konchoggi ldamma dzadkanni tus, diriŋ tharpe tuspo innog.^f

Paului skalasgun.

6:3 ne 13

³ Suzhiggaŋ ghag migyabces yaŋ ñazhagunni zhabstog zhukangunni naŋŋa, skyon phiŋ mithubcessi mitshezhig, ñazhagunni phuddad. ⁴ Ðazhagunni sdugsŋal, skalas taŋ, hunmeddi jigspe rigs tshaŋme naŋŋa zodpa nyampo doŋlen coces gyudte, ñazhagun Konchoggi denbe zhabstogpa inkanbo stannanog. ⁵ Sperna, ñazhagunla rdunŋyab taŋs, tsonkhaŋŋi naŋŋa kags, soyoŋkanni mitshogsgun doŋlen cogos, zugspo siŋ ŋalŋal tshogpa las cospin, tshan gaŋpo nyidmedpa phudgos yaŋ zagyu medpa lus. ⁶ Ðazhagunni naŋŋa yodkanni stsaŋma, hago, zodpa, thugrje, dampe thugnyid, denbe cessa, ⁷ ðaŋpo shadces, Konchoggi sheddi naŋŋa, lagpa yaspa taŋ yoma nyiskoe naŋŋa ðaŋpoe nolcessi lagcha, tegunni ñazhaa Konchoggi denbe zhabstogpa inkanbo stannanog. ⁸ Migunni ñazhagunla stsiwa ya thelba, smadra ya stodpa taŋnaŋ, ñazhe Konchogga zhabstog zhuad. Ðazhaa ðaŋpo innaŋ, khoŋgunni ñazhagunla zusme zhabstogpagun innog zerdug. ⁹ Zhan ñazhagun Konchoggi zhabstogpa inkanbo tshaŋme shesnaŋ khoŋgunni ñazhagunla snaŋmed corug. Ðazhagun shicessi nyemoa lusnaŋ taruŋŋaŋ sonte a yod, rdunŋyab taŋs innaŋ sad masads. ¹⁰ Snyinŋunni naŋŋa sdugsŋalgun yodnaŋ, ñazhagun skyidpo yod. Nyalbacan innaŋ, semsnyiddi thogne maŋpoa chugpo gyurcuggad. Jigstenni thogne caŋ mednaŋ, semsnyiddi thogne ñazhagunni lagga citshaŋma yod.

¹¹ Korinthipa dzaogun, ñazhe khyozhagunla ðaŋpo zerrad, ta ñazhe snyin khyozhagunni phia saŋ pheste in. ¹² Ðazhagunni cespabo khyozhagunni phia gagste borra med, innaŋ khyozhagunni cespabo ñazhagunni phia gagste bordug.

^f6:2 ibo ni chaddon snyinŋe yeshaye speche 49:8 naŋŋa yodte innog.

¹³ Ñe khyozhagunla ñarañji ðugu tsogsla spera tañjad, khyozhagunniañ snyiñbo sañ phessañ.

Sonpo Konchoggi chodkhañ.

6:14 ne 7:4

¹⁴ Khyozhaa tatpa medkangun nyampo dzao nyemo magyurshig. Ðaño kazuggi ñanpe ðopa gyur nyanin? Od kazuggi mundig nyampo ðes nyanin? ¹⁵ Mashika tañ shetanni parla ci ðel yodkyag? Cañ medkyag. Tatpacanzhig tatpa medkanzhiggi tatpa cokanboe nañña ðesnyaninna? Mane minyan. ¹⁶ Konchoggi chodkhañ tañ skunða gunni parla ci ðel yodkyag? Cañ medkyag. Ðadañgun, sonpo Konchoggi chodkhañbo innog, kazug Konchoggi dampe suñrabssi nañña molte innog.

" Ða tegunni ðoa dugste khoñgun nyampo ðulin.

Ða khoñgunni Konchog yañ khoñgun ñe migun gyurin.^g"

¹⁷ "Tennaboephia tatpa medkangunni ðone biñste

Khyozharañ tegunni ðone sosoa bete duggos.

Khoñgunni khamloggi calaggunla lagpa mathugshig,

Tene ñe khyozhagunla gasus zhuin.^h

¹⁸ Yañ ña khyozhagunni aba tañ khyozhagun

Ñe butsha tañ bumogun gyurin.'

Tsoo kunwañ Konchoggi mols."

7 ¹ Ðadañgunla te zhalchadgun yod pasañ, dzaogun, ñati zugspo tañ semsnyid tshitu cokan tshañma phañste ñadañrañ stsañma coshig, yañ Konchogga kupa coin khoñji jigssi nañña ñadañrañ cisathogne dampa gyurcugcesla las coshig.

² Snyin shagste ñazhagunla cespaa coshiggañ, ñazhagunni suzhiggañ northul macospin, ya suzhiggañ lam norkannika thidte makhyerpin, ya suzhiggi kaneañ phanthogs malenpin. ³ Tebo ñe khyozhagunla skyon kalla zerramed. Ñe sñunla zerpin, ñazhe khyozhaa izam cespaa coad, ñazhaa khyozha nyampo sontea dugces ya shiceslañ ðalðig in. ⁴ Ðaa khyozhagunni nañña tshañmesañ mañña lokhyel rag, yañ khyozhagunni phia ñaa maşante phoso tshorrarag. Sdugsñalli naññañ, khyozhagunni ñaa maşante spospa tañste thadcugs.

^g6:16 ibo ni chaddon snyinpe yeshaye speche 52:11 tañ izikelli 20:34, 41 gunni nañña yodte innog.

^h6:17 ibo ni chaddon snyinpe Shamuelli specha nyispe 7:14 tañ 7:8 gunni nañña yodte innog.

Paului thadpo.**7:5 ne 16**

⁵ Makedoniya nanja lebbacig, nazhagunla naltshocessi tus medpin, ciazerna nazhagunla chogs tshanmane nags tan bardo thon, tebo ni philogne gyabgal cokan tan snyinji jigspa gun innog. ⁶ Innañ spospa medkangunla spospa skye cugga dzadkanni Konchoggi, Titus nazhaa yodsa leb cugga dzadte, nazhagunla spospa skye cugga dzads. ⁷ Kho nazhagunni toa lebcas matshad, khyozhagunni khoa spospa tancesso tshorte, naa ma thadpo soñ. Khyozhagunni naa thoncessi santhe dodpa, naa tsherkha stancesi phia khyozhagun skyomo chaces, yan ne tonla khyozhagunni samba tancessgun tshorte, naa ma thadpo soñ.

⁸ Zhan ne snunni igeboe khyozhagunni semsskyomo coste yodnan, daga naa gyodpa merak. Tebo kalte stinne ne gyodpa cospin, ciazerna naa gyussoñ te igeboe, tus nyunzhig khyozhagunni semsskyomo costog. ⁹ Ciinnañ, tebo kalcespoa naa thadpo rag, tebo khyozhagunla tsherkha cuñcugces manpa, te tsherkhaboe, khyozhagunla gyodpa skyecugste, khyozhe mitshe phudtshulbo spocugs. Tebo Konchoggi khonranji migunla cuñcugcessi thugsdod yodkanni tsherkhe rigsshig innog, soñpasan nazhe, khyozhagunla cizhiggi thognean nodpa maskyalpin. ¹⁰ Konchoggi nadanunla thonjoms chacugga dzadcessi tsherkhaboe, nadanun sdigpane thagriña khyerra dzadces tan tharpa thob cugga dzaddanog. Tetsogssi tsherkhe phia gyodpa cogos medpa innog, innañ gyodpa medkanni jigstenni tsherkhe thamedpe shices khyonjanog.

¹¹ Stosshig, Konchog thugsthad cugkanni gyodpe, khyozhagunni nanja kazug las zanpoe dasbu smindug, sperna semssi nanja danpo yan skyon phogkangun medkan cocessi dodpa, sdigpa cokangunnika so santhe, sdigpe jigssnan, na thoncessi dodpa, ne labzhagun kha nyancesla rinshes, northul cokanboa gyogspa chadpa kalces, te tshanma gyudte, khyozhagun noñsmed inkanbo khyozharanji stante innog. ¹² Ne snunme igebo, northul cokan ya nodpa phogkan gunni skorla madispin, innañ Konchoggi skundunla, khyozhagun, nazhe phia tsamshiggi dadcan in tebo khyozharanji thonnyancessi gyuntshanboe phia Griispin. ¹³ Teboe zhaste nazhagunla spospa skyeste rag.

Dazhaa spospagunni nanmaa, khyozhe spun Titusla gasus yan semssi nanja zhide khyonste thadpo chacugcespoa nazhagun ma thadpo soñ. ¹⁴ Khyozhe phia na tsamshiggi phoso tshorkanbo ne Titusla shadpin, yan khyozhagunni ne rewa

macagga innog. Teboephia ñe khyozhagunla tusgyun ðaño shadda tsogsla dagsa ñe khyozhe skorla spun Titussi dunla phoso cokanbo denba inkan stannanog.

¹⁵ Khyozhagunni khoe kanyante jigs tañ snyiññi thilne kuspa nyampo gasus zhukangun, idtu coste khoe khyozhagunla sñunni sañ mañña yasha corug. ¹⁶ Ða maşante thadpo rag ciazerna ñaa khyozhagunni nañña tharkhyelpel lokhyel rag.

Snyiñ pheste salces.

8:1 ne 15

8 ¹ Spun tañ spunmo gun, Konchoggi makedoniye chostshoggunni nañña khoñraññi thugrjee gyudte dzadkangun, ñe khyozhagunla hago cugnyinrag.

² Khoñgunla nags tañ bardo mañpoe tshodlta yoñs yañ mañsteañ nyalbacan ininnañ skyidpo khoñgunni nañne ludte chacespoe, khoñgun snyiñ sañ pheste salkangun innog.

³ Khoñgunni khyud nañzhin tsamshig tañnyannañ tañs matshad, tesañ mañña tañkanboa ñe spaño tañ nyancesrag, yañ tebo khoñgunni thadpo nyampo corug.

⁴ Yerushalemmi gyalse nañña yodkanni tatpacangunla rogs cocessi stsiwe nañña khoñgunniañ khag lennyancesla, ñazhaa yañne yañ juju zerin zhuwa phuldug.

⁵ Yañ khoñgunni ñazhe samkanni sañ mañña cos, ciazerna Konchoggi thuggoñs nañzhinla khoñrañgun taño, Tsoo Yeshua tene ñazhagunla tañdug.

⁶ Tennaboephia ñazhagunni spun Titussi, goma khyozhagunla pene rogsgun lduste khyoñces gozug cocesla spospa tañs. Te pene rogsgun lducespo ðubcugcesla spospa tañcessi phia, ñe khoa khyozheka logste chacesla zhuwa phullad.

⁷ Khyozhagunni las mañpoe nañña ma gyalla coste innog, sperna dadpe nañña, spera tañcessi nañña, shesrabssi nañña, las cocessi dodpe nañña, yañ ñazhe phia khyozhagunni cespe nañña. Ðe dodpabo ni, khyozhe snyiñ pheste tañcessi laspoe naññañ gyalla cogoshes innog sammarag.

⁸ Ðe khyozhagunla tebo cos zerte ka taññamed, innañ ñe zhanyañ chostshogssi tañdodcangun nyampo ldurte khyozhagunni cespa tsamshiggi ðaño inkanbo, tshodlta nyinrag.

⁹ Ðadañgunni Tsoo Yeshu mashike thugrjebo khyozhagunla gyusyodte innog. Zhan namkhe nañña khoñ chugpo innañ, khyozhagunni tonla khoñ nyalbacan gyurra dzads. Khyozhagun namkhe nañña chugpo gyurcugcessi phia, khoñ nyalbacan gyurra dzads.

¹⁰ Ibo ñe khada in, lo ciggi sñunla khyozhagunni gozug cokanni laspo, ðubcugna gyalla chaces innog. Sñunme loe nañña khyozhagun tañporañ inpin, kagunni Yerushalemmi nañña yodkanni Mashikapagunla pene tañcessi dodpa yodces matshad tañsteañ inpin. ¹¹ Ta khyozhagunni kalaspo sñunla gozug cos tebo ðubcug goshes innog. Khyozhagunni sñunla tañcessi semssi dodpabo, dagsa tenna tsogsla tañcessi nañña stonshig, rañrañji khyud nañzhinla toñshig. ¹² Khyozhagunni cizhig tañcessi thagcad cos galtes riñsinzhig tañña, teboe Konchog thugnyes shugganog, yañ tebo khyozhagunni tañcessi khyudne thalte manpa, khyozharañji khyud nañzhin tañgos. ¹³ Ona ñe dodpa ni, khyozhagunni tañcespoe, zhanmagunni mitshebo lamozhig yañ khyozharañgunni mitshebo kagspozihig gyurcugcespo man, innañ tshañmaa ðaḍa yoñgoshespo in. ¹⁴ Dagsa khyozhagunni lagga mañpo yod pasañ, gosdom yodkangunla rogs conyanin. Yoñcescanni tussi nañña, khoñgunla mañpo jorte khyozhagunla gosdom yod zane, khyozha nyampo goin, tene tshañma ðaḍa gyurin. ¹⁵ Kazug dampe suñrabssi nañña molte dug.

"Mañpo lduste khyoñkangunni lagga
Godla tañcesla malussa innog.
Yañ nyuñun lduste khyoñkangunni
Gosdom ðaḍa soñte innog."ⁱ

Titus tañ khoe ÷opagun.

8:16 ne 24

¹⁶ Innañ Konchogga thugrjeche, khoñji ñazhe spun Tituslañ, khyozhagunni phia ñe nañña yodkanni dodpagun tsogs salla dzadte dug. ¹⁷ Titussi, khyozhaa thuggala yañskyar soñ zerkanni ñazhe zhuwaboa thadpo cos. Denba, kho khorañ, soñte khyozhagunla thugcesla, riñste shirug. ¹⁸ Ñazhagunni zhan spunzhiggañ, Titus nyampo lamcuggad. Chostshogs tshañme khoa gamoe nastshul shadcessi zhabstoggi phia stodpa phuldug. ¹⁹ Ñazhe Yerushalemmi nañña yodkanni tatpacangunni phia pene rogsgun khyer zane, ñazhagunla rogs cocessi phia, chostshogsgunni kho ldamste inpin, te zhabstoggun ni, Tsoo Yeshua spal khyoñces yañ ñazhagun rogs cocesla riñsin yodkan stannanog.

ⁱ8:15 ibo ni chaddon snyiñpe Mozessi specha nyispoe nañne 16:18 nañña yodte innog.

²⁰ Nazhaa pene maṅpoe rogsपो norte koldug zercesne skyobcessi phia, ṅazhe kho taṅ Titus nyisko ṅazhaa nyampo Yerushalemmi gyalsa khyerin. ²¹ Nazhagunni cokan ḍaṅpo inkanbo Tsooe zigshes matshad migunniaṅ thoṅcesla stsonḍus coad.

²² Nazhagunni khoṅ nyisko nyampo zhanyaṅ spunzhiggaṅ lamcuggad, khoe tuskabs maṅpozelligi naṅṅa, khorāṅ tsamshiggi Tsooa zhabstog zhucesla riṅsin yodkanbo, lan maṅpo stante taṅs. Khyozhagunni naṅṅa maṅṅa lokhyel yodcespoe, ta dagsa kho maṅṅa riṅsin innog. ²³ Titus ni, ṅe ṭopa ṅa nyampo khyozhaa rogs cokanbo in, yaṅ kho nyampo yodkanni spun nyisko, chostshogsgunni lamcugste in, yaṅ Mashikaa stsiwa khyoṅṅanog. ²⁴ Tennaboephia khoṅ sumko taṅ zhan chostshogsgunni dunla khyozhe cesa taṅ ṅazhe khyozhagunni skorla phoso cokanbo tantan inkan stonshig.

Yerushalemmi Mashikapagunni phia pene rogram lduces.

9:1 ne 15

9¹ Yerushalemmi tatpacangunni phia zhabstoggi skorla ṅe khyozhagunla ḍigos medpa innog. ² Ciazerna khyozhaa Korinthe chostshogsgun rogs cocesla tsamshig riṅsin yodkanbo ṅaa gyusyod. Yaṅ khyozhaa akaye^j naṅṅa yodkangunni, lo cigne parla rogssi pene kalchogchog yodkanbo, ṅe makedoniye chostshogsgunni dunla phoso coste shadpin. Denba, khyozhagunni rogs cocessi dodpa chenmoe zhaste, makedoniye naṅṅa yodkanni tatpacan maṅpozelligiaṅ taṅces gozug.

³ Innaṅ khyozhagunni skorla ṅe phoso cokanbo norte mankan yaṅ ṅe zerkan tsogsla khyozhagunni pene tshaṅma lduste ḍalḍig cothubcessi phia, ṅe khyozhagunnika i spun sumko kallad. ⁴ Galtes makedoniye tatpacan khacig ṅaa nyampo yoṅste khyozhagun ḍalḍig medkanbo thoṅṅa, tene ṅe phoso cokanboeka ṅa cigpo matshad khyozhagunnaṅ ṭhelba chaces innog. ⁵ Tene khyozhagunni damcha coskanni penegun ḍalḍig yodcessi phia ṅe i spun tshaṅko ṅe saṅ sṅunla lamcuggad. Innaṅ tebo taṅnyin medin taṅkanni skyesshig manpa, thadte taṅkanni skyesshig yoṅgos sammarag.

⁶ Ibo marjedshig, saon nyuṅun tabkanni zhiṅbadpazhigga stonthoggaṅ, nyuṅunzhig mane sminna manog. Innaṅ snyiṅ pheste saon tabkanboe stonthoggaṅ, maṅpo ṅaen. ⁷ Tsamshig taṅnyancesrag, tebo khyozhaa reree raṅṅi snyiṅṅi naṅṅa thagcadgos. Sems mathadda ya waṅṅi naṅṅa mataṅshig, ciazerna Konchog thadpo

^j9:2 Korinthe gyalsa ni akaye naṅṅa yodte innog.

nyampo taŋkanboa thugsthadda dzaddanog.^{k 8} Yaŋ Konchoggi khyozhagunla gossdomgun snyiŋ pheste salla dzaddanog. Tene tusgyun khyozhe gossdom tshaŋma ɗubces matshad, zhanmagunlaŋ yato co nyanin.⁹ Kazug dampe suŋrabssi naŋŋa molte innog.

"Khoŋŋi gossdom yodkan tshaŋmala snyiŋ pheste sallanog,

Khoŋ ɗaŋpo inkanbo tusgyun lusin."¹

¹⁰ Yaŋ zhiŋbadpa saon rigga dzadkan Konchoggi tagiaŋ salla dzaddanog. Tenna zuggi khoŋŋi khyozhagunni gossdomgun rigga dzadte khyozhagunla yodkangun phel cugga dzaddanog. Tene khyozhagunni naŋŋa snyiŋ pheste maŋŋa taŋcessi stonthogs sminin.

¹¹ Ona tusgyun snyiŋ pheste taŋcessi phia, khyozhagunla cisathogne cinlabs salla dzadin. Yaŋ nam ŋazhe khyozhagunni kane te penegun khyerte gossdom yodkangunla taŋŋacig, khoŋgunni Konchogga thugrjeche zhuanog.¹² Tene i taŋcescanni zhabstogpe ɗasbu zaŋpo nyis sminnanog. Tebo Yerushalemmi tatpacangunni gossdomgun thobces taŋ khoŋgunni thadpo nyampo Konchogga thugrjeche phulcesgun innog.

¹³ Khyozhagunni zhabstoggi ɗasbui, khoŋgunni Konchogga spal phullanog, ciazerna khyozhagunni khoŋgun taŋ tatpa yodkan tshaŋmala, snyiŋ pheste taŋcespo gyudte, khyozhagun mashike gamoe nastshul kanyankan inkanbo, stannanog.¹⁴ Yaŋ Konchoggi khyozhagunla salla dzadkanni thugrje khyozhagunni naŋne ludin yodcespoe, khoŋgunni snyiŋne khyozhagunni phia moslam phullanog.¹⁵ Tsamshiggi halasshes taŋ tshigs gyudte shad minyancesi Konchoggi tharpe skyessi phia, Konchogga thugrjeche phulshig.

Paului khoŋraŋŋi waŋchaboa chogsskyor cos.

10:1 ne 18

10¹ Ta ŋa Paului khyozhagunla mashike pasmo taŋ samba zaŋpo nyampo zhuwa phullad. Khyozhagunni ŋa khyozhe ɗoa yod zane ŋosmig chuŋun, innaŋ thagriŋne ŋe igegun ɗi zane ma waŋcan yoŋdug sammanog.² Ɗaa yoŋ zane, ŋazhe jigstenpe dodpa naŋzhin las corug samkangun nyampo waŋcha kol migoshessi phia, ŋe khyozhagunla dagsa zhuwa phullad.

^{k9:7} ibo chaddon snyiŋne naŋŋa tamspe zerkanni speche 22:8 naŋŋa yodte innog.

^{19:9} ibo ni chaddon snyiŋne suŋgurri speche 112:9 naŋŋa yodte innog.

³ Nazhaa mi innaj, nazhagunni jigstenpe tshulla mag tanjamed. ⁴ Migunni şante thamste yodkanni zusme samtshul taj zergyu gun medkan cocesla, nazhagunni jigstenni lagchagun manpa, Konchoggi lagcha tagpogun kollad. ⁵ Nazhagunni migunla Konchog shes mashugga borkanni phosocanni ghagskyil tshanma medkan coad, taj te gyabgalcanni samtshulgun phamshugste, mashike zhaltagun kanyances labbad. ⁶ Khyozhagunni nazhe kanyancespo sij dubbacig, tene khaa manyanna luskan tshanmala nazhe chadpa cadin.

⁷ Denbe naslugpoa stosshig, ma lokhyel nyampo na mashike in zerkangunni nazhagunnaj mashike inkan, khorajgun tsogs lokhyel yodkanbo shesgos. ⁸ Zhan Tsoo Yeshui nazhagunla salla dzadkanni wanche nanja phoso coste, ne spera tanste yodna, tebo khyozhagun dadpe nanja thestor macoa, shedcan gyurcesla inpin. Daa naranji wancha kolkanboeka thelba mitshor.

⁹ Ne naranji igegun gyudte, khyozhagun jigsshugcessi stonpus coamed. ¹⁰ Ciazerna khaciggi, "Paului igegun tontagcan taj wanchan yondug innaj nadangunni toa yod zane, kho hampa medkan taj khoe lcid medkanni spera tandug" zerranog. ¹¹ Kazug thagrija yod zane, nazhe igegun Griiste yodkan tsogsla nazhaa yon zane, nazhe wancha stancespo, te migunla hago goshes innog. ¹² Te mi tagpogunni khorajgun ma khagcan in zerkan tsogs zercessi nazhe hampa coamed. Innaj khongunni khoraj cig taj cig speses taj cig taj cig parla rdur zane tsamshiggi samba medkan innog.

¹³ Innaj nazhagunni wanchane thalte coskanni lasgunni nanja phoso coamed. Nazhagunla Konchoggi salla dzadkanni lasgunni nanje dubcugga dzadkangunnika phoso coad, kaboe nanja khyozhaa nyampo las cokangunnaj theste in. ¹⁴ Galtes khyozhaa yodsa nazhaa mane mayonja inpinna, tene nazhagunni khyozhagunnika waj yod zer zane, nazhaa zerchogsshespo saj thalte sonje innog. Innaj khyozhaa yodsa tshogpan yonste mashike gamoe nastshul shadkan nazhaa tanporaj inpin, ¹⁵ matshad nazhagunni zhanme coskanni lassika phoso coste stodpa malenpin. Innaj khyozhagun dadpe nanja yargyas chacig khyozhe toa nazhe lasgun manja gyasin chacessi nazhe rewa in. ¹⁶ Tene nazhe khyozhagunni nasse saj thagrija, zhansuzhigga las macokanni nassagunni nanja gamoe nastshulbo shadnyances innog, ciazerna nazhe te nasseka phoso conyin merag kaboe nanja zhanmagunni

las cotsharte in. ¹⁷ Kazug dampe suṅrabssi naṅṅa molte innog, "Galtes khyozhagun phoso conyin yodna Tsoo Konchog cigpoeka phoso coshig.^m"

¹⁸ Raṅ taṅ raṅṅa stodpa taṅcespoa manpa Tsooe stodpa phulcespoa rin yodte innog.

Paulu taṅ zusme skutshabsgun.

11:1 ne 15

11 ¹ Taruṅṅaṅ ṅe samba mataṅṅa phoso cokanboa, khyozhagun tsapigshig snaṅṅa matsherra nyancessi rewa coad. Thugrje dzadte ṅa nyampo zodpa borra dzad. ² Konchoggi khyozha khoṅraṅ cigpoe innessi thugsdod yodda tsogsla, ṅe naṅṅaṅ khyozhagunni phia tenna tsogs dodpa rag. Abe khoṅraṅṅi bumobo khoe magpe lagga stad zane, stsaṅmazhig yoṅgo sammad, tenna tsogsla mashike gyurcessi phia ṅe khyozhagun khoṅṅi chagga stad zane, semsnyiddi thogne khyozhagun stsaṅma yoṅcessi khachad cospin. ³ Innaṅ shetan rulla zuste Hawa zerkanni bumoboa gobskor taṅṅa tsogsla, khoe ci costeaṅ khyozhagunni sems lagmo taṅ snyiṅṅi thilne Mashika cigpoe innessi dodpe lamne thagriṅṅa khyerranog samste ṅaa jigssarag. ⁴ Suzhig khyozhagun yodsa yoṅste ṅazhe labkanni Yeshui skorla manpa yaṅ Yeshu sosozhiggi skorla labna, ya khyozhagunla thobste yodkanni thugnyidpo manpa yaṅ semsnyid sosozhig thobna, ya ṅazhe shadkanni gamoe nastshul khyozhe tatpa cokanbo manpa yaṅ gamoe nastshul sosozhig shadna, khyozhagunni thadpo nyampo tegun lendug.

⁵ Innaṅ cisathogne ṅa te mashike skutshabs tagpo rig in zerkangunni saṅ uthugs med. ⁶ Spera taṅcessi naṅṅa ṅaa khoṅgun tsogsla khaspa medḍo, innaṅ ṅe naṅṅa yontan medpa man. Ḍazhe cokan taṅ labkan tshaṅme naṅṅa tebo salpo coste stanpin.

⁷ Ci ṅe ṅaraṅ pasmo taṅ khyozhagunla stsiwa coste Konchoggi gamoe nastshulbo rin medpa shad zane, sdigpa coste innogga?ⁿ ⁸ Ḍe zhanma chostshogsgunni kane pene rosgun lente khyozhagunla rin medpa zhabstog zhu zane, ci ṅe khoṅgun comstogga? ⁹ Yaṅ ṅa khyozhagun nyampo yoddi tus ṅe gosdomgun ḍaṅḍa macha zane, ṅe suzhiggaṅ rogs cocesla bardo mastanpin, ciazerna makedoniyene yoṅkanni spungunni ṅaa gosdom yodkan tshaṅma khyoṅs. Ḍa khyozhagunnika

^m10:17 ibo ni chaddon snyiṅṅe yeremyi speche 9:24 naṅṅa yodte innog.

ⁿ11:7 chosshadcessi phia Paulua gyabgal cokanni zusme skutshabsgunla pene taṅgossadpin

bardozhig mane magyurpin, yaŋ ŋa gyurinnaŋ merak. ¹⁰ Kazug mashike denba ŋe naŋŋa yodkanbo tantan in, akaye⁰ yulli naŋŋa suzhiggiaŋ tegunni skorla phoso cocesne ŋa gagste bor minyan. ¹¹ Ŋe khyozhagunni kane ŋaraŋŋi gosdommi phia gyunorri rogsgun malen pasaŋ, ci ŋe khyozhagunla cespa macoa innogga? Mane man. Ŋe khyozhagunla cespa cokaŋbo Konchoggi khyenna dzaddanog.

¹² Ona ŋe taruŋŋaŋ tennabo coin dugin. Teboe tagpo skutshabsgunla khougunni laspoaŋ ŋazhe las tsogs in zerte phoso cocessi skabs thobcesne gagste borin.

¹³ Khougun mashike zuma skutshabsgun innog. Khougunni skyonjanni lasgun coin, mashike skutshabs inzun taŋŋanog. ¹⁴ Innaŋ ŋa halassa merak, shetanniaŋ khouŋ Konchoggi kalla dzadkan oddi phonya inzun taŋŋanog. ¹⁵ Tene shetanni yogpogunniaŋ khouŋgun ŋaŋpo zhabstogpa inzun taŋkanboeka ŋadaŋgun halasgoshes manog. Stiŋjugga khougunla khouŋgunni las ŋanpa coskangunla ospe chadpa phogganog.

Paului mitshee naŋŋa bardogun.

11:16 ne 33

¹⁶ Ŋe yaŋskyar zerrad, izug spera taŋcespoe ŋaa samba medkanzhig innog masamshig. Galtes khyozhagunni tezuga samnaŋ, ŋe ŋaraŋŋi skorla tsapig maŋŋa phoso co zane, ŋaŋ nyonshig kazuggi khyozhagunni mi samba medkanzhigga nyannad. ¹⁷ Zhan itsogssi phosogun Tsooe chogsne yoŋŋa manog, innaŋ ŋe samba medkanzhig tsogsla spera taŋŋad. ¹⁸ Tegunni khouŋgunni jigstennika ŋasbu thobkangunni skorla phoso cos pasaŋ ŋeaŋ coin. ¹⁹ Khyozhaa Korinthe Mashikapagun ma shesrabscan in pasaŋ khyozhagunni te samba medkanni lobpongun thadpo nyampo ŋante inna? ²⁰ Khyozhagun waŋŋi yogga ŋulkan, ya yodkan tshaŋma kogste khyerkan, ya phanthogs lenkan, ya tagpo stankan, ya ŋamlcag taŋkan tshaŋmaŋ khyozhagunni ŋante dugdug. ²¹ Itsogssi lasgun cocessi naŋŋa ŋazhagun maŋsteaŋ uthugs inkanbo shadcesla ŋaraŋ thella rag. Innaŋ galtes tegunni khouŋgunni skorla phoso cocessi hampa cona, ŋe ŋaraŋŋi samba medkan tsogsla spera taŋkanboekaŋ, phoso cocessi hampa coin.

²² Khougun ibripa innogga? Ŋaŋ in. Khougun Israelpa innogga? Ŋaŋ in. Khougun Abrahammi phorgyud innogga? Ŋaŋ in. ²³ Khougun mashike zhabstog zhukan innogga? (Ta ŋe zerkan taŋ zerces tshaŋma misnyonpe zerkan tsogs tshorcen)

⁰**11:10** Korinthe gyalsa ni akaye naŋŋa yodte innog.

innaŋ ɲe Mashika tegunni saŋ maŋŋa zhabstog zhuste in: ɲe khoŋgunni saŋ las maŋŋa ʃante cospin, lan maŋpo tsonkhaŋŋi naŋŋa kags, stsi minyanceŋsi stallcag gyabs, lan maŋpo shiceŋsi nyemoa leb. ²⁴ Lan ʃŋa tuskabs sosoe naŋŋa Yahudape sponbogunni chogsne ɲaa stallcag 39 gyabceŋsi chadpaŋ phog.^p ²⁵ Lanphog sum ɲaa berga Rompo nyampo rduŋs, lancig ɲaa rdoa gyabste sadces cos, lan sum ɲaa yodkanni ʈuziŋbo chagste chui naŋŋa nub, yaŋ ɲaa nyima taŋ tshanzhig gyatshoe chui naŋŋa lus. ²⁶ Mashike phia ɲe i bardogun khurpin, lan maŋpo ma thagriŋŋi yulgunla besla soŋpin, ɲaa ltsaŋspo taŋ cagpa gunni jigspa cuŋ, ɲaa ɲaraŋŋi mi Yahudapa matshad Yahudapa mankaŋgunni kaneŋ jigspa cuŋ. Gyalsa, thaŋstoŋ, yaŋ tshogunni naŋŋaŋ ɲaa jigspa maŋpo cuŋ, yaŋ zunma tatpacangunni kaneŋ ɲaa jigspa cuŋ. ²⁷ Ɖe tus riŋmo las ʃante cospin, tshan maŋpozhiŋ nyidmedpa lus, lan maŋpo stogri taŋ skomsria luste zagyu medpin, yaŋ gongyu maŋpo medpa ɗaŋmoaŋ yoŋs.

²⁸ Tegunnika nanma chostshogs tshaŋmaa dadpe naŋŋa kazugshig yodɗo samste, ɲaa zhagdaŋ tsherka yoŋs. ²⁹ Khyozhagunni ʈoa dadpe naŋŋa shedmed inkangun, ɲaa hagoarag. Tatpacangun ɗaŋpo mankaŋni lammika thidkangunnika ɲaa maʃante ʃo rag.

³⁰ Galtes ɲaa phoso cogosna, tene ɲe tantanla ɲaraŋ uthugs stankanboeka phoso coin. ³¹ Ɖadaŋgunni Tsoo Yeshui yab Konchog, tusgyun stodpe ospa thobces inkanboe ɲe tegun zun mataŋkanbo khyenna dzaddanog. ³² Ɖa Dameskhassi gyalse naŋŋa yod zane, gyalpo Aritassi kalon ni, gyalse ghogunnika ɲaa zumceŋsi phia ʃuŋskangun borte dugpin. ³³ Innaŋ kho taŋ khoe ʃuŋkangunni kane shorcesla, ɲaa tsepozhiggi naŋŋa gyalse stsigpe naŋŋa yodkanni karkhuŋ gyudte, thurla phabs.

Paului zhalzigs taŋ bardo gun.

12:1 ne 10

12 ¹ I phoso cocespo phanthogscanzhig mannaŋ, ɲe taruŋŋaŋ cogos. Ɖe Tsoo chogsne zhalzigs taŋ sŋon cugga dzadkangun khyozhagunla shaddad.

² Lo 14 sŋunla, ɲaa^q Konchog khoŋraŋ zhugsa dzadkaŋni tshaŋmesaŋ namkhaa thoshogpoe naŋŋa khyerra dzads. Tebo ɲa zugspoe naŋŋa inpinna ya semsnyiddi naŋŋa, ɲaa caŋ gyusmed, Konchog cigpoe khyenna dzaddanog. ³ Ona zugspoe

^p11:24 i rduŋtshul jigssnaŋcanboe mi maŋpozhiŋ shicugs.

^q12:2 Griissi skaddi naŋŋa "Ɖaa" mazerra "Mashike naŋŋa tatpacanni mizhiŋ shessad" zerte yodte innog.

naŋŋa inpinna ya semsnyiddi naŋŋa, Konchog cigpoe khyenna dzaddanog. Innaŋ ŋaa igun tantanla gyusyod, ⁴ ŋa tshaŋmesaŋ namkhaa thoshogpoe naŋŋa khyerra dzads, yaŋ tshigs gyudte shad minyancessi halasshessi zhalta rig tshor, kabo misuzhiggaŋ shad macugga innog.

⁵ Zhan tenna thonŋomspoa phoso coces ospa innaŋ ŋe tebo macoa, ŋaraŋŋi uthugsgun cigpoe ka phoso coin. ⁶ Galtes ŋe tegunnika phoso cospinna, ŋe ŋaraŋ samba medkanzhig gyur macugga, ŋe shadkangun zun manpa denbaa inŋo. Innaŋ ŋe tezug mico, ciazerna ŋe mitshee naŋŋa thonkan ya ŋe longunni naŋŋa tshorkangun mastog, zhanyaŋ stodpe gosssdom merag. ⁷ Ŋaa te halasshessi zhalzigs thonkangunnika, phoso co micugcessi phia, tsermaŋ she naŋŋa zugste yodkan tsogsla, Konchoggi ŋe zugspoe naŋŋa shetanni kalkan yogpoa nags taŋ bardo stan cugga dzads.

⁸ Lan sum ŋe Tsooa te bardogun juju khyerra dzad zhuspin. ⁹ Innaŋ khoŋŋi mols, "Khyoraŋŋa ŋe thugrje cigpoe gosssdom yodte innog. Uthugssi naŋŋa ŋe khyudpo ma stobscan gyurrad." Teboephia ŋe ŋaraŋŋi uthugssi naŋŋa thadpo nyampo maŋŋa phoso coad ciazerna ŋaa gyudte mashike khyudpoe chaglas dzadda nog. ¹⁰ Tennaboephia mashike tonla, ŋa ŋaraŋŋi uthugs, codlammi skorla ŋanpa zerkan, kagspo taŋ bardoe naŋŋa skyidpo tshorrarag, ciazerna uthugs yodtus ŋaa stobscan in.

Korinthi chostshogsgunni phia Paului thugstsher.

12:11 ne 21

¹¹ Khyozhaa Korinthipagunni ŋaa phoso cocugste samba medkanzhig tsogs gyurcugs. Zhan khyozhagunni ŋe phia gyabshedcanni igegun ðigoshes yodpin. Ŋaa caŋ mannaŋ te tagpo skutshabs in zerkangunni saŋ thua man. ¹² Ŋaa khyozhagun nyampo yod zane, zodpa nyampo ŋe stags, stas taŋ halasshessi dzadpa maŋpo coste, ŋe tantanla ŋaa mashike skutshabs inkanbo, stante taŋspin. ¹³ De khyozhagunla zhan chostshogsgunni saŋ thua kazuggi stsistog? Tebo khyozhagunla pene rogssi naŋŋa lcid mikalcespoe inna? Thugrje dzadte ŋe i northulboa goŋspa tonshig.

¹⁴ Ŋa khyozhagun yodsa lan sumpa yoŋŋad, yaŋ ŋaa khyozhagunnika lcidzhig migyur. Khyozhagunni gyunor manpa, ŋaa khyozhagun gossad ciazerna ŋugugunni phamagunla gosssdomgun marigga, phamagunni ŋugugunla gosssdomgun rigste taŋŋanog. ¹⁵ Khyozhagunni phia ŋe ŋaraŋ taŋ ŋaa yodkan tshaŋma, ma thadpo

nyampo skyagin. Galtes ñe khyozhagunla cessa mañña cona, khyozhe ñaa cessa nyuñun coinna?

¹⁶ Ña khyozhagunni phia bardo mankanbo khyozhagunla gyusyodte innog. Innaj khaciggi ña skyonjan in pasañ, khyozhagunni kane skyon coste phanthogs lente innog samdug. ¹⁷ Innaj kazuggi? Ci khyozheka lamcugskanni te migun gyudte ñe khyozhe kane phanthogs lensa? ¹⁸ Khyozhaa thuggala chacessi phia ñe spun Titusla spospa tanste kho nyampo zhanyañ spunzhig lamcug zane, ci spun Titussi khyozhagunni kane phanthogs lensa? Mane malens. Lam cigciggika ðulin, semsnyid cigcig nyampo ñazhagunni lasgun tsogs coin manogga?

¹⁹ Khyozhagunni ñazhe tegun ñazharañ skyobcessi phia zerte innog sammada? Mashike zhabstogpa incespoe ñazhe tegun khyozhagunla shaddad, teboe spañpo Konchoggi salla dzaddanog. Cespe dzaogun, khyozhaa dadpe nañña shedcan gyurcessi phia ñazhe te tshañma cospin. ²⁰ Ñaa jigssarag ña yoñ zane, khyozhagunni mitshe phudzo thoñte, ñaa thadpo micha. Yañ ñe cokanboeka khyozhagun thad mithad, ciazerna khyozhagunni nañña dziñmo, tshigces, so, ranðodcan, codlammi skorla ñanpa zerces, khabadces, ranstod tançes tan, las cocesla tshirka medkan, tegun thoñcesla ñaa jigssarag. ²¹ Ona ña jigssarag, ñaa khyozhagun yodsa yoñ zane Konchoggi ñaa yañskyar ðhelba tshor cugga dzadin, ciazerna khyozhaa mañpozhiçgi taruññañ sñunni sdigpagun maphañña, yañña tshitu, lusðel ñanpa tan, ospe lusðelli tshadne thalte cokan gunnika gyodpa macoa inkanbo thoñste ñaa sdugpo cogosin.

Paului stinjuggi khadagun.

13:1 ne 10

13 ¹ Dampe suñrabssi nañña "Skyonrjod cizhig yodnañ spañpo nyis ya sum yodte mane ðhimscad tan minyan"^r Molte yodkan tsogsla ñañ lan sumpa khyozhagun thuggala yoñin^s. ² Ña khyozhagun nyampo lan nyispa yod zane, ñe te sdigpa cokangunla spañpudte inpin, kazug ñe sñunla coa tsogsla, ta dagsa yañskyar ñe khongun tan zhanyañ tshañmala spañpuddad, stinma ña yoñ zane sdigpa cokan suzhiggañ ñe chadpe kane mithar.

^r13:1 ibo ni chaddon snyinpe nañña ðhimssi specha nyispa yañña Mozessi specha sñape nañña 19:15 nañña yodte innog.

^s13:1 Paului Korinthe chostshogsla spañpudin khon lan sumpa khon yodsa yoñcespo khonni sdigpa cokanni gyabgalla mi summi spañpo tan kan tsogs in moldug.

³ Mashike n̄aa gyudte zhalta salla dzadkanboe spaŋpo khyozhagunla gos pasañ, n̄e tegun stanin. Mashike khyozhaa skyoŋces ya rogs dzad zane, khoŋ uthugs mazhugssa, ma shedcan zhugsa dzaddanog. ⁴ Zhan uthugssi naŋŋa khoŋ ŋkyaŋshiŋŋika ŋkyaŋste doŋsnaŋ, ta dagsa Konchoggi sheddi naŋŋa, khoŋ sontea zhugste innog. Tenna tsogsla mashike naŋŋa n̄azhagunnaŋ uthugs in, innaŋ Konchoggi waŋ taŋ Mashika n̄azhaa nyampo yodcespoe n̄azhe khyozhagunla skyoŋin ya rogs coin.

⁵ Khyozhaa raŋŋi tatpa doŋpo inna man, tebo stagcad coshig. Raŋdaŋraŋŋa stagcad coshig. Yeshu Mashika khyozhagunni naŋŋa zhugste inkanbo gyusmedda? Te manna tatpa doŋpoe stagcaddi naŋŋa khyozhagun tharkhyel machaa innog. ⁶ Yaŋ n̄azhaa mashike denbe skutshabs inkanni stagcaddi naŋŋa thaŋspo inkanbo khyozhagunni hagogesla n̄e rewa coad.

⁷ Khyozhagunni sdigpa micocesla n̄azhe Konchogga moslam phullad. N̄e rewa coad n̄azhaa yoŋ zane, khyozhagunnika n̄azhe waŋbo stangos miyoŋ. N̄azhaa yoŋŋi saŋ s̄junla doŋpoe lasgun coshig- zhan n̄azhagun n̄azhe waŋbo stancesi naŋŋa tharkhyel maluskan tsogs thoŋsidces innog. ⁸ N̄azhagunni doŋpoe labzhaa gyabgal co minyan, innaŋ doŋpo cigpoe phia las coad. ⁹ Galtes khyozhe tatpa shedcan coadna n̄azhagun uthugs thoŋcesla thadpo rag. Khyozhagun dadpe naŋŋa gaŋpo ldancesla n̄azhe moslam zhuad.

¹⁰ N̄aa yoŋ zane, n̄e khyozhagunla chadpa ŋante taŋ migoshessi phia, n̄aa yoŋŋi saŋ s̄junla, i igebo khyozhagunla diad, ciazerna Tsooe n̄a salla dzadkanni waŋchabo khyozhagunni tatpa medkan chacugces manpa, stanpo cocesla kolnyinrag.

Paului stinjuggi ju taŋ cinlabs.

13:11 ne 14

¹¹ Spun taŋ spunmo gun, i stinjuggi tshigspo nyampo n̄e ige diacespo tsharcuggad. Skyidpo coshig, dadpe naŋŋa gaŋpo ldancugshig, cig taŋ cigga spospa toŋshig, cig taŋ ciggi parla thundel taŋ zhide nyampo dugshig, tene cespaa taŋ zhidee Konchog khyozhagun nyampo zhugsa dzadin.

¹² Cig taŋ cigga camspa nyampo ju zhus.^t ¹³ Iru yodkanni Konchoggi mi dampagunni, khyozhagunla ju kaldug.

^t13:12 Griissi naŋŋa ibo Griiste dug "Cig taŋ cigga dampe pug toŋshig"

¹⁴Tsoo Yesu mashike thugrje, Konchoggi cessa taŋ dampe thugnyiddi ðel khyozhagun nyampo lusshig..